



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Septiceps Lvthervs, Vbique Sibi, Svis Scriptis contrarius,
in visitationem Saxoniam**

Cochlaeus, Johannes

Parisiis, 1564

De Purgatorio, cap. 28.

urn:nbn:de:hbz:466:1-35803

*De abrogã.
Missæ parte
secunda.*

defunctis celebratã, meliorem ac efficaciorẽ ad redimẽdas animas, quàm sunt indulgẽtiæ per Missam quæsitæ. At in libro de abrogãda missa hæc omnia impudentissimè abnegat, & B. Gregorium in Dialogis (vbi multis exempis & historiis probat ille, quantum profint defunctis Missæ suffragia) superstitionis calumniosè arguit. Nunc tuã igitur (Illust. Princeps) cõscientiam appello, & rogo, vt omniũ quoque Consiliariorum tuorum conscientias adiures, vt dicant tibi, vter librorũ melius placuerit ipsis ab initio quando æditi sunt. Non dubito, quin Resolutiones præferat in corde suo: Cur ergo non approbent magis Lutherum ibi, quam in furioso libro contra Missam?

De Purgatorio.

CAPVT XXVIII.

*Ad Vvaldẽ-
ses de Eucha-
ristia.*

NEquè hîc satis sibi constat Lutherus: Aliquando enim constanter affirmavit Purgatorium, aliquãdo in dubiũ vocauit, aliquando in totũ derisit & abnegauit. Ita enim scribit desertor iste ad desertores & desertos Vvaldenses, quam negatis purgatorium, damnatis Missas, vigiliis, cœnobia, monasteria, & quicquid per hanc imposturam erectum est, per omnia etiam probo: Neque quisquam astringitur ad credendum, esse purgatorium, cum de hoc nihil sit in scripturis. Sic autẽ Deus forlã quosdã pios, mortis & inferni horroribus & tentationibus grauioribus exercet, quæ vice

purgatorij esse queât ipsis, de quo nemo etiam scit præterquam ipsi. Ideo non est docendum purgatoriũ: Nam iudicia Dei sunt occulta, neque à nobis scrutanda. Hæc ibi: In assertione autem articulorum suorum, quãuis Papa quatuor eius articulos de Purgatorio erroneos damnauerit, ait se credere, Purgatorium esse, Et consulo (inquit) suadeoque credendum, sed neminem volo cogi. Cæterum in disputatione Lipsensi, & in declaratione quorundam articulorum, non solum credit, sed etiam certissimè scit Purgatorium esse. Et in Resolutionibus suis, nouit hominem qui super terrã pœnas Purgatorij patitur, & quales sint, non secus atque expertus enarrat & describit. In disputatione sanè sic ait. Ego, qui credo fortiter, imò ausim dicere, scio purgatorium esse, facilè persuadeo, in scripturis de eo fieri mentionem. Quemadmodum illud Matthæi inducit Greg. in Dial. Non remittitur neque in hoc seculo, neque in futuro. Volens peccata quædam remitti in purgatorio. Admitto (inquit) & illud Machab. ij. Sancta est & salubris cogitatio pro defunctis exorare, &c. In declaratione verò adhuc clarius loquitur. Firmiter credendum est (inquit) & ego scio, verum esse, quòd miseræ animæ ineffabilem pœnam patiuntur, & nos eas iuuare tenemur orationibus, ieiuniis, eleemosynis, & quocunque possumus. Quid vis amplius (Illustrissime Princeps) tuum nunc est, an sanum & Catholicum

In assertione art. 37. & seq.

In Resolu. conclu. 15.

In Disput. Lipsica contra Ioan. Eccium.

In declaratione quorundã art.

DE SACRAMENTO

*In expla-
natione Pa-
ter noster.*

olim doctorem, an verò furiosum nunc Apo-
statam & desertorem sequi velis. Si monita no-
stra contemnis, ipsum saltem audi in explana-
tione orationis dominicæ. Ecclesiam vult (in-
quit) audire Dominus, non te aut me, aut trās-
fugam quempiam segregatúmque Phariseum.
Quapropter cùm Ecclesia concinne (inquit)
& ritè benèque cātabis. Et si fortè absona vo-
ce prostrepis, tamen quia multitudinis assonas
concentui, pro legitimo cantus tūus tenore
censebitur. At si canere solitaria voce tenta-
bis, non effugies sannas & cauillationes. Hæc
ibi. Non est ergo, quod eum nunc quoque in
sua visitatione aliter audias, quàm vbi cū Ec-
clesia canit & loquitur.

De Sacramento Pœnitentiæ.

C A P. XXIX.

In lib. Visti.

QVàm bene docuerit aliquot iã annis pœ-
nitentiã, ex ipsius sane confessione nunc
dignosci potest, arbor scilicet ex fructibus:
Nunquid colligit de spinis vuas, aut de tribu-
lis ficus? Ait nunc in Visitatione sua, Multi,
dum audierunt, vt solummodo credãt, omnia
ipsis remitti peccata. Fingunt sibi fidem, & pu-
tant se mundos esse, per quod fiunt temerarij
ac securi. Eiusmodi autem carnalis securitas
peior est (inquit) omni errore qui ante hoc
tempus vnquam fuit. Audis hæc, Illustr. Prin-
ceps? Quis est autè noui & falsi illius dogma-